

AKT THEMELIMI
I
SHOQËRISË TREGTARE ME PËRGJEGJËSI TË KUFIZUAR

“M.C.A” shpk

Ortaku themelues i Shoqërisë :

Z. Redon Meksi i biri i Aleksandrit, i datëlindjes 27.2.1988 lindur dhe banues në Tiranë madhor me zotesi te plote juridike dhe per te vepruar, identifikuar përmes letërnjoftimit me nr pasaporte BD7329245.

Z. Gerhard Ismaili, i biri i Ganiut i datëlindjes 5.3.1982, lindur dhe banues në Tiranë, madhor me zoëtsi të plotë juridike për të vepruar, identifikuar përmes letërnjoftimit me nr personal I20305083J

Bazuar në dispozitat e Ligjit Nr. 9901, datë 14.04.2008, “Për Tregtarët dhe Shoqëritë Tregtare”, Ligjin Nr. 9723, datë 03.05.2007 “Për Qendrën Kombëtare të Regjistrimit”, mbledhur ne Tirane sot më datë 09.01.2024

VENDOSËN

Te krijoje nje shoqeri tregtare dhe per kete qellim harton dhe miraton këtë Akt Themelimi të shoqërisë si më poshtë vijon;

NENI 1

Emri

- 1.1 Shoqëria do te paraqitet në quarkullimin tregtar me emërtimin e saj "M.C.A " sh.p.k.
- 1.2 Ndryshimi i emrit të shoqërisë mund të bëhet vetëm me vendim të Asamblese se Pergjithshme te saj.

NENI 2

Forma Juridike

- 2.1 Shoqëria tregtare “M.C.A” ka formën e një shoqërie me përgjegjësi te kufizuar (sh.p.k).
- 2.2 Shoqëria mund te transformohet ne nje forme tjeter juridike me vendim te Asamblese se Pergjithshme te ortakeve sipas percaktimeve ligj dhe ne Statutin e saj.


NENI 3

Selia

- 3.1 Selia e Shoqërisë ndodhet në adresën Njësia Administrative nr 5, Rruga “Pjeter Bogdani” nr 6.
- 3.2 Ndryshimi i selise së shoqërisë mund të bëhet vetëm me vendim të Asamblesë së Pergjithshme te Ortakeve të Shoqërisë.
- 3.3 Me vendim te Asamblese se Ortakeve shoqëria mund te hape dege te saj apo Zyra perfaqesimi ne qytete te tjera apo dhe jashte Shqiperise.

NENI 4

Vula e shoqërisë



- 4.1 Shoqëria do të ketë vules e saj.
4.2 Forma e vules dhe masa e saj do të përcaktohen nga Asambleja e ortakëve në përputhje me legjislacionin shqiptar.

NENI 5 Objekti i Veprimtarisë

Shoqëria ka si objekt veprimtarite që vijojnë me poshtë:

*Prodhim shitje, blerje energjie elektrike,
Import-eksport energji elektrike
Prodhime shit-blerje produkte bujqësore, import-eksport produkte bujqësore
Kryerje të punimeve të ndryshme në fushën e ndërtimit
Import-eksport materiale ndërtimi,
Ndërtim infrastrukture, ndërtim godinash banimi, ndërtimeve e HEC-ve TEC-eve, fushave fotovoltaike
Ndërtime në fushën e turizmit,
Hoteleri, shërbime në fushën e turizmit, agroturizëm
Shërbime IT, shërbime Real Estate Imobilare
Shërbime në fushën e këmbimit valutor.*

NENI 6 Kohëzgjatja e Shoqërisë

- 6.1 Shoqëria do të ketë një kohëzgjatje për një afat të pacaktuar.
6.2 Shoqëria ka personalitet juridikë duke filluar nga momenti i regjistrimit të saj në regjistrin Tregtar pranë Qendres Kombëtare të Regjistrimit.

NENI 7 Kapitali i shoqërisë dhe Kuotat

7.1 Kapitali i regjistruar i shoqërisë është i përbërë nga kontributi në para i ortakëve në vlerën 10.000 lekë.

Z. Redon Meksi zotëron një kuotë me vlerë 50% të kapitalit të regjistruar të shoqërisë.
Z. Gerhard Ismaili zotëron një kuotë me vlerë 50% të kapitalit të regjistruar të shoqërisë.

7.2 Ortaket, në bazë të kërkesës së organit administrues, mund të sjellin para në shoqëri, sipas marrëveshjes paraprake të lidhur midis tyre. Kjo derdhje parash mund të bëhet në formën e zmadhimit të kapitalit ashtu si dhe në formën e financimit të shoqërisë. Në rastin e financimit të shoqërisë nga ortaket në formë huaje, nuk është e nevojshme të respektohet përpjesëshmëria mes shumës së derdhur në shoqëri dhe kuotave të kapitalit që ortaket zoterojnë.

7.3 Nëse mes paleve nuk ka akorde specifike, financimet në formë huaje të bëra nga Ortaket do të konsiderohen si hua pa interes.

NENI 8 Organet e Shoqërisë

8.1 Organet drejtuese të shoqërisë janë:

-Asambleja e Përgjithshme
-Administratori

8.2 Kompetencat, të drejtat dhe detyrat e këtyre organeve do të përcaktohen në statutin e shoqërisë.

NENI 9 Administratori

9.1 Shoqëria administrohet nga administratori që emerohet dhe shkarkohet nga Asambleja e Përgjithshme. Afati i emërimit është 5 vjet me të drejtë ripërtëritje.

9.2 Administrator i Shoqërisë do të jetë:

Z. Redon Meksi i biri i Aleksandrit, i datëlindjes 27.2.1988 lindur dhe banues në Tiranë madhor me zotësi të plote juridike dhe për të vepruar, identifikuar përmes letërnjoftimit me nr pasaporte BD7329245.

Z. Gani Ismaili, i biri i Kadriut, i datëlindjes 12.9.1951, lindur dhe banues në Tiranë, madhor me zotësi të plotë juridike për të vepruar, identifikuar përmes letërnjoftimit me nr personal F10912082E.

Neni 10 Dispozita të fundit

10.1 Shoqëria do të zhvillojë aktivitetin e saj në përputhje të plote me Aktin e Themelimit, Statutin dhe dispozitat e legjislacionit shqiptar në fuqi. Përsa nuk parashikohet në Aktin e Themelimit, dhe në Statut, do të zbatohen kryesisht dispozitat e ligjit «Për tregtarët dhe shoqëritë tregtare», Kodit Civil dhe legjislacionit në fuqi.

NENI 11 Zgjidhja e mosmarrëveshjeve

11.1 Të gjitha mosmarrëveshjet midis ortakëve duhet të zgjidhen me mirëkuptim. Në rastet kur ato nuk mund të zgjidhen me mirëkuptim secili prej ortakëve ka të drejtë t'i drejtohet për zgjidhje Gjykatës së Rrethit Gjyqësor Tiranë.

NENI 12

Ky Akt themelimi përpilohet në 3 (tre) kopje në gjuhën shqipe, dhe u nënshkrua pa vërejtje nga ortaku themelues.

ORTAKET THEMELUES

Z. Redon Meksi

Redon Meksi
Meksi

Gerhard Ismaili

GERHARD ISMAILI
[Signature]

Tiranë, më 09.01.2024

STATUTI
I SHOQËRISË TREGTARE
“M.C.A” SHPK

I. DISPOZITA TË PËRGJITHSHME

Ortakët e shoqërisë “M.C.A” SHPK rregullon pozitën juridike, funksionimin dhe kompetencat e organeve të saj, llojin e shoqërisë, kohëzgjatjen e veprimtarisë, marrëdhëniet me të punësuarit të shoqërisë duke u bazuar në ligjin Nr. 9901, datë 14.04.2008 “Për Tregtarët dhe Shoqëritë Tregtare”, të ndryshuar dhe dispozitat e tjera të legjislacionit shqiptar në fuqi që rregullojnë marrëdhëniet e Shoqërive Tregtare.

NENI 1.
Objekti i veprimtarisë

Shoqëria ka si objekt veprimtarite që vijojnë me poshte:

Prodhim shitje, blerje energjie elektrike,
Import-eksport energji elektrike
Prodhime shit-blerje produktet bujqësore, import-eksport produkte bujqësore
Kryerje të punimeve të ndryshme në fushën e ndërtimit
Import-eksport materiale ndertimi,
Ndertim infrastrukture, ndërtim godinash banimi, ndërtimeve e HEC-ve TEC-eve, fushave fotovoltaike
Ndërtime në fushën e turizmit,
Hoteleri, shërbime në fushën e turizmit, agroturizëm
Shërbime IT, shërbime Real Estate Imobilare
Shërbime në fushën e kembimit valutor.

NENI 2
Emri dhe selia e Shoqërisë

2.1 Shoqëria është Person Juridik Privat, i themeluar më 09.01.2024, me ortakë

Z. Redon Meksi i biri i Aleksandrit, i datëlindjes 27.2.1988 lindur dhe banues në Tiranë madhor me zotesi te plote juridike dhe per te vepruar, identifikuar përmes letërnjoftimit me nr pasaporte BD7329245.

Z. Gerhard Ismaili, i biri i Ganiut i datëlindjes 5.3.1982, lindur dhe banues në Tiranë, madhor me zoëtsi të plotë juridike për të vepruar, identifikuar permes letërnjoftimit me nr personal I20305083J

Shoqëria do te paraqitet në qarkullimin tregtar me emërtimin e saj “M.C.A” SHPK.



Administratori me vendim të tij ka të drejtë të përcaktojë dhe/apo ndryshojë emrin tregtar të shoqërisë.

2.2 Selia e Shoqërisë ndodhet në adresën Njësia Administrative nr 5, Rruga "Pjetër Bogdani" nr 6

NENI 3. Kohëzgjatja e Shoqërisë.

3.1 Shoqëria do të ketë një kohëzgjatje për një afat pa pacaktuar.

NENI 4. Regjimi Juridik i Shoqërisë.

4.1 Shoqëria udhëhiqet nga parimet e ekonomisë së tregut dhe ka për qëllim fitimin. Ajo respekton parimin e reciprocitetit.

Ajo është një shoqëri me përgjegjësi të kufizuar (Sh.p.k.). Veprimtaria e saj i nënshtrohet dispozitave të Aktit së Themelimit, Statutit si dhe dispozitave të legjislacionit tregtar e atij civil në fuqi. Me vendim të Asamblesë së Përgjithëshme, Shoqëria mundet që të ndryshojë regjimin juridik të saj në përputhje me dispozitat ligjore që do të jenë në fuqi si dhe në përputhje të plotë me dispozitat e Aktit të Themelimit dhe të Statutit të saj, duke bërë edhe përshtatjen e tyre sipas ndryshimeve përkatëse.

4.2 Shoqëria gëzon personalitet juridik nga data e regjistrimit të saj në Rregjistrin Tregtar. Shoqëria do të ketë vulën e saj.

II. TË DREJTAT DHE DETYRAT E ORTAKËVE.

NENI 5.

5.1 Ortakët mbajnë përgjegjësi për humbjet e shoqërisë deri në pjesën e pashlyer të kontributeve të nënshkruara.

Pasuritë e krijuara nga Shoqëria gjatë aktivitetit të saj janë në pronësi të Shoqërisë. Ato (pasuritë) mund të tjetërsohen, të jepen me qera, me miratimin e Asamblese se Përgjithëshme. Në këto rast vendimarrja duhet të jete me një shumicë të cilesuar të ortakëve që përfaqësojnë 2/3 të kapitalit.

NENI 6. Të drejtat dhe detyrimet e Ortakëve.

6.1 Ortakët japin kontributin e tyre në shoqëri në para apo në natyrë, sipas mënyrave dhe afateve të përcaktuara në statut dhe në marrëveshjen e posacme të lidhur midis tyre, në të cilën është përcaktuar në mënyrë të datajuar kontributi i secilit dhe mënyra e afatit e derdhjes së këtij kontributi në këtë shoqëri. Ata përgjigjen ndaj shoqërisë personalisht dhe në mënyrë solidare për



dëmet e shkaktuara nga mospërbushja e këtyre detyrimeve apo nga përmbushja e tyre përtej afateve përkatëse.

6.2 Personat përgjegjës për administrimin e shoqërisë informojnë të gjithë ortakët për ecurinë e veprimtarisë së shoqërisë tregtare dhe, me kërkesën e tyre, duhet t'u vënë në dispozicion llogaritë vjetore, përfshirë llogaritë e konsoliduara, raportet për gjendjen dhe ecurinë e veprimtarisë së shoqërisë tregtare, raportet e organeve drejtuese apo të ekspertëve kontabël të autorizuar, si dhe çdo dokument tjetër të brendshëm të shoqërisë. Ortakët e shoqërisë në çdo moment kanë të drejta të plota të hyjnë në ambjentet e shoqërisë dhe të verifikojnë aktivitetin financiar të shoqërisë, llogaritë bankare, administrimin e saj si dhe çdo problem tjetër që do ta cmojnë të arsyeshme e të domosdoshme.

6.3 Personat përgjegjës për administrimin e shoqërisë informojnë ortakët për periudha një mujore dhe tre mujore për ecurinë e shoqërisë, realizimin e objektivave mujore dhe tremujore, llogaritë, raportet për gjendjen dhe ecurinë e veprimtarisë së shoqërisë tregtare me partneret nenkontraktore, raportet e organeve drejtuese apo të ekspertëve kontabël të autorizuar, si dhe çdo dokument tjetër të brendshëm të shoqërisë.

6.4 Ortakët e Shoqërisë kanë të drejtë të heqin dorë nga Shoqëria dhe mund të shesin kuoten e tyre në kapitalin e shoqërisë, në përputhje me kushtet që i lejon Statuti dhe Ligji. Heqja dorë nga shoqëria nuk i liron ata nga detyrimet që kanë deri në momentin e heqjes dorë dhe nuk i cënon ata në marrjen e të ardhurave që Shoqëria ka siguruar deri në këtë moment.

6.5 Gjatë ushtrimit të të drejtave, ortakët veprojnë, duke marrë parasysh interesat e shoqërisë dhe të ortakëve të tjerë. Ata gëzojnë, të njëjtat të drejta, kanë të njëjtat detyrime e trajtohen në mënyrë të barabartë. Ortakët respektojnë detyrimet që burojnë nga Akti i Themelimit dhe Statuti. Ata përpiqen për zhvillimin e aktivitetit të Shoqërisë sipas objektivit të veprimtarisë së saj.


NENI 7.

Abuzimi i ortakëve ndaj shoqërisë

7.1 Ortakët, e shoqërisë tregtare, që kryejnë një apo më shumë nga veprimet ose mosveprimet vijuese, përgjigjen personalisht e në mënyrë solidare për detyrimet e shoqërisë, nëse:

- a) abuzojnë me formën e shoqërisë tregtare për arritjen e qëllimeve të paligjshme;
- b) trajtojnë pasuritë e shoqërisë tregtare si të ishin pasuritë e tyre;
- c) në çastin kur kanë marrë apo duhet të kishin marrë dijeni për gjendjen e paaftësisë paguese të shoqërisë, nuk marrin masat e nevojshme, për të siguruar që shoqëria, në varësi të llojit të veprimtarisë së ushtruar, të ketë kapitale të mjaftueshme, për të përmbushur detyrimet e marra përsipër ndaj palëve të treta.

III. KUSHTET EKONOMIKE TË SHOQËRISË.



NENI 8

8.1 Veprimtaria e funksionimit të Shoqërisë bazohet në kërkesat e ekonomisë së tregut. Veprimtaria ekonomike ndërtohet mbi parimet e llogarisë dhe paqyrohet në bilancet e saj.

NENI 9

9.1 Kapitali i regjistruar i shoqërisë është i përbërë nga kontributi në para i ortakëve në vlerën 10.000 lekë.

Z. Redon Mexsi zotëron një kuotë me vlerë 50% të kapitalit të regjistruar të shoqërisë.

Z. Gerhard Ismaili zotëron një kuotë me vlerë 50% të kapitalit të regjistruar të shoqërisë

9.2 Ortaket, në baze të kërkesës së organit administrues, mund të sjellin para në shoqëri, sipas marrëveshjes paraprake të lidhur midis tyre. Kjo derdhje parash mund të bëhet në formën e zmadhimit të kapitalit ashtu si dhe në formën e financimit të shoqërisë. Në rastin e financimit të shoqërisë nga ortakët në formë huaje, nuk është e nevojshme të respektohet përpjesëshmëria mes shumës së derdhur në shoqëri dhe kuotave të kapitalit që ortakët zoterojnë.

9.4 Nëse mes paleve nuk ka akorde specifike, financimet në formë huaje të bëra nga Ortaket do të konsiderohen si hua pa interes.

NENI 10

Pasuria e Shoqërisë

10.1 Shoqëria bëhet pronare e pasurisë së luajtshme e të paluajtshme kur vlera e pasurisë mbulohet tërësisht në të holla.

NENI 11

Vdekje e Ortakëve

11.1 Kuotat e Ortakëve mund të transferohen lirisht tek trashëgimtarët ligjore e testamentarë të tyre mbas vdekjes. Ortaket e mbetur mund të ushtrojnë të drejtën e parablerjes në rast shitje të të njëjtave si pasojë e mungesës së vullnetit të trashëgimtarëve për të hyrë në vendin e të vdekurit. Subjektet që përfitojnë nga ky transferim detyrohen të disponojnë kapitalin e transferuar për një vit në Shoqëri, duke pasur të gjitha të drejtat e mbajtësit të tij të mëparshëm. Në rast se pas vdekjes, trashëgimtarët e të ndjerit janë më shumë se një, ata duhet të emerojnë një përfaqësues të përbashkët.

NENI 12

Trasferimi i kuotave mes të gjalleve

12.1 Ortakët kanë të drejtën të transferojnë lirisht kuotën që zoterojnë në kapitalin e regjistruar të shoqërisë, mes të gjalleve kundrejt pagesës së një shumë.



12.2 Kuotat e kapitalit mund te transferohen ne menyre te lire permes dhurimit apo çdo akti tjetër, falas.

NENI 13.

Zmadhimi dhe zvogëlimi i kapitalit

13.1 Kapitali i regjistruar i shoqërisë mund të zmadhohet ose të zvogëlohet nga Asambleja e Përgjithshme.

Zmadhimi i kapitalit mund të vendoset kur e kërkojnë interesat e Shoqërisë duke u vendosur rritja e vlerës së kuotës së Ortakëve.

Asambleja e Përgjithshme, vendos për zvogëlimin e kapitalit të Shoqërisë.

Zvogëlimi i kapitalit nuk duhet të dëmtojë kreditorët e as të krijojë pasiguri tek ata që kanë dhënë kredi para publikimit të zvogëlimit të kapitalit. Në të kundërtën Gjykata e konsideron të pavlefshëm këtë vendim mbi kërkesën e kreditorëve.

NENI 14

Fondet rezerve

14.1 Shoqëria krijon fondin rezervë dhe fonde të tjera financimi për të përballuar nevojat e saj.

NENI 15

Bilanci

15.1 Pasuria e Shoqërisë vlerësohet në bilancet e saj në monedhë të vendit ose në monedhë të huaj sipas vlerësimit të Ortakëve ose ekspertëve në momentin e Themelimit të Shoqërisë.

Bilanci vjetor paraqitet brenda datës 31 Mars të vitit pasardhës. Forma e bilancit përcaktohet nga Administratori në harmoni me format e bilanceve të vendosura në Republikën e Shqipërisë.

NENI 16

Plani financiar.

16.1 Plani financiar parashikon aktivin e pasivin e aktivitetit ekonomik të Shoqërisë, të shprehur në lekë ose valutë të konvertueshme. Llogaria ekonomike do të mbahet në Shqipëri.

Shkëmbimi i monedhës shqiptare me atë të huaj dhe anasjelltas bëhet sipas kursit zyrtar ose privat të këmbimit.

NENI 17

Shpërndarja e fitimeve, kufizimi i shpërndarjes

17.1 E ardhura neto që rezultojnë nga zbritja e vlerës së amortizimit, nga tatimet dhe taksat, nga kuotat që rritin kredinë për investime, pagat e shpërblimet, përdoret nga Ortakët, sipas qëllimeve të tyre.

- 1) Pas permbushjes se kerkesave te artikullit 77 te ligjit nr. 9901, shoqeria, nepermjet votimit te shumices se cilesuar me 2/3 e votave në Asamblene e Pergjithshme, mund te vendose per shperndarjen e te ardhurave ne linje me te drejtat perkatese te secilit ortak.
- 2) Ortakët kanë të drejtë të ndajnë pjesën e fitimit të deklaruar në pasqyrat financiare të shoqërisë. Fitimi u shpërndahet ortakëve në raport me kuotat e zotëruara.

17.2 Shoqëria mund t'u shpërndajë fitime ortakëve, vetëm nëse pas pagimit të dividendit:

- a) aktivet e shoqërisë mbulojnë tërësisht detyrimet e saj;
- b) shoqëria ka aktive likuide të mjaftueshme për të shlyer detyrimet që bëhen të kërkueshme brenda 12 muajve në vazhdim.

- 3) Pagesa ose perdorimi i te gjitha fitimeve te mundshme, do te jenë objekt i mbledhjes se Asamblese se Pergjithshme.
- 4) Asnje pagese ne monedhe, i lidhur me nje kuote te caktuar, mund te jete mbartes interesash ndaj shoqerise nese nuk parashikohet nga te drejtat perkatese te kuotes ne fjale.
- 5) Transferim i te ardhurave ndaj kapitalit shoqeror: aministratoret, pas vendimit te marre nga Asemblea e Pergjithshme me shumice e cilesuar prej 2/3 e votave, dhe duke patur parasysh kushtet e artikullit 14 te ligjit nr. 9901, mund te vendosin t'i trasferojne kapitalit te shoqerise te ardhurat e ndara, qe nuk do perdoren per pagimin e dividendeve preferenciale apo shumave te tjera te parashikuara per rezervat e kapitalit te shoqerise.

17.3 Shoqeria do te llogarise fitimin do tia shperndaje ate ortakeve sipas pjesmarrjes se tyre ne kapitalin e shoqerise dhe sipas marreveshjes se posacme te hartuar midis tyre.

IV. ORGANET E SHOQËRISË.


NENI 18

Asambleja e Përgjithshme

18.1 Organi themelor i shoqërisë është Asambleja e Përgjithshme.

Asambleja e Përgjithshme merr vendime për:

- a) përcaktimin e politikave tregtare të shoqërisë;
- b) ndryshimet e statutit;
- c) emërimin e shkarkimin e administratorëve;
- d) emërimin e shkarkimin i likuiduesve dhe të ekspertëve kontabël të autorizuar;
- e) përcaktimin e shpërblimeve për administratoret, likuiduesit dhe ekspertët kontabël të Autorizuar;
- f) Mbikëqyrjen e zbatimit të politikave tregtare nga administratorët, përfshirë përgatitjen pasqyrave financiare mujore, tre mujore e vjetore dhe të raporteve të ecurisë se veprimtarisë;
- g) percakton tagret e perfaqesimit te administratoreve ne kushtet e nenshkrimit te kontratave te bashkepunimit me shoqeri apo individe, si dhe miraton kontratat tip qe do te nenshkruhen.
- h) miratimin e pasqyrave financiare vjetore dhe të raporteve të ecurisë së veprimtarisë;



- i) zmadhimin dhe zvogëlimin e kapitalit;
- j) pjesëtimin e kuotave dhe anulimin e tyre;
- k) përfaqësimin e shoqërisë në gjykatë dhe në procedimet e tjera ndaj administratorëve;
- l) riorganizimin dhe prishjen e shoqërisë;
- m) miratimin e rregullave procedurale të mbledhjeve të asamblesë;
- n) çështje të tjera të parashikuara nga ligji.

NENI 19

19.1 Asambleja e Përgjithshme mbledhet sa herë që mbledhja është e nevojshme për të mbrojtur interesat e shoqërisë. Mbledhja e Asamblesë së Përgjithshme thirret të paktën një herë në vit. Asambleja e Përgjithshme thirret nga administratorët apo ortakët të cilët përfaqësojnë të paktën 5% të totalit të votave në Asamblenë e Përgjithshme të shoqërisë.

Asambleja e përgjithshme thirret nëse:

- sipas bilancit vjetor apo raporteve të ndërmjetme financiare, rezultojnë ose ekziston rreziku që aktivet e shoqërisë nuk i mbulojnë detyrimet e kërkueshme brenda 3 muajve në vazhdim.
- Konstatohet se ortakët që kanë patur detyrime ndaj shoqërisë nuk i kanë realizuar ato sipas marreveshjes paraprake të lidhur midis tyre;
- shoqëria propozon të shesë apo të disponojë në mënyrë tjetër aktive, të cilat kanë një vlerë më të lartë se 5 për qind të asetëve të shoqërisë, që rezultojnë në pasqyrat e fundit financiare të certifikuar.
- shoqëria, brenda 2 viteve të para pas regjistrimit të saj, propozon të blejë nga një ortak pasuri, që kanë vlerë më të lartë se 5 për qind të asetëve të shoqërisë, që rezultojnë në pasqyrat e fundit financiare të certifikuar
- Në çdo rast tjetër që e kërkon ortakët që zoterojnë të paktën 10 % të kuotave të kapitalit.

Ortakët vendosin mbi temat që ligji dhe statuti i japin të drejten të vendosin

19.2 Vendimet e ortakëve mund të merren nepermjet:

- a) vendimeve të Asamblesë së Përgjithshme në mbledhje të zakonshme;
- b) keshillimit me shkrim

19.3 Procedura për marrjen e vendimit nepermjet keshillimit të shkruar, rregullohet si në vijim :

- a) Njeri nga ortakët apo administratorët u komunikojnë të gjithë Ortakëve dhe të gjithë Administratorëve që nuk janë ortakë, tekstin e vendimit që propozohet të merret, duke fiksuar një afat jo më të shkurtër se 5 ditë, brenda të cilit secili prej Ortakëve mund t'i komunikojë shoqërisë miratimin, abstenimin apo votën kundër. Në rast se afati i caktuar është plotësuar dhe Ortaku nuk është shprehur, miratimi konsiderohet se nuk është dhënë.
- b) Nga dokumentet duhet të duken me qartësi argumentet që janë objekt i vendimit dhe miratimi i tyre.

- c) Komunikimet e parashikuara nga artikujt e mesiper a) dhe b) mund te behen nepermjet çdo mjete dhe/ose sistemi komunikimi qe lejon nje prove te nisjes dhe te marrjes se komunikimit, duke perfshire ketu faksin dhe posten elektronike. Ne rastet e fundit, transmetimet ndaj Ortakeve duhen bere ne numrin e faksit dhe/ose adresen e postes elektronike qe jane komunikuar ne menyre te qarte nga vete Ortaket.
- d) Vendimi i Ortakeve, i bere ne perputhje me artikullin ne fjale, duhet te shkruhet pa asnje lloj dyshimi, nga organi administrues ne librin e vendimeve te Ortakeve.

19.4 Vendimet e ortakeve merren nepermjet vendimeve te Asamblese, duke respektuar menyren e vendimarrjes me shumice te cilesuar me 2/3 e votave te ortakeve.

19.5 Ne linje me te drejtat apo limitet qe rrjedhin nga mbajtja e kuotave, secila kuote i jep ortakut te pranishem ose perfaqesuesit te tij te autorizuar ose ortakut i cili eshte i pranishem dhe mban nje autorizim legal apo qe i jepet nepermjet ligjit, te drejten e nje vote (ne rast qe ai eshte person fizik apo shoqeri). (Ky shenim do vendoset ne menyre me te detajuar ne momentin e firmosjes se akteve parashoqerore).

NENI 20

Thirrja e Asamblesë së Përgjithshme

20.1 Asambleja e përgjithshme thirret nëpërmjet një njoftimi me shkresë ose, me njoftim nëpërmjet postës elektronike. Njoftimi me shkresë apo me mesazh elektronik duhet të përmbajë vendin, datën, orën e mbledhjes dhe rendin e ditës e t'u dërgohet të gjithë ortakëve, jo më vonë se 7 ditë përpara datës së parashikuar për mbledhjen e asamblesë. Kur Asambleja e Përgjithshme nuk është thirrur si më sipër, ajo mund të marrë vendime të vlefshme vetëm nëse të gjithë ortakët janë dakord, për të marrë vendime, pavarësisht parregullsisë.

20.2 Asambleja e Përgjithshme mund te mbahet nepermjet videokonferences me pjesemarrsit qe mund te ndodhen ne vende te ndryshme, te aferta apo te largeta, te lidhur mes tyre ne menyre audio/video, me kushtin qe te jene respektuar menyra unanime dhe pricipi i vullnetit te mire dhe trajtimit te barabarte mes ortakeve. Ne menyre te veçante, eshte e nevojshme qe te lejohet verifikimi i identitetit dhe te drejtes se pjesmarresve, te konstatohen dhe te shpallen vendimet e mbledhjes.

Mbledhjet e shoqerise mund te mbahen dhe jashte selise se shoqerise.

20.3 Cdo Ortak, qe ka te drejten te marre pjese ne Asemble, mund te perfaqesohet ne Asamblene e Pergjithshme nga nje person tjeter nepermjet nje autorizimi te leshuar ne perputhje me ligjin.

NENI 21

Kuorumi i nevojshëm dhe marrja e vendimeve



21.1 Çdo kuotë jep të drejtën e një vote.

Ortakët, që nuk janë të pranishëm, mund të marrin pjesë në mbledhjen e Asamblesë së Përgjithshme me mjete të ndryshme komunikimi, përfshirë mjetet elektronike, me kusht që të garantohet identifikimi i ortakëve.

Ortaku, që pengohet të ushtrojë të drejtat që i rrjedhin nga zotërimi i kuotës së shoqërisë, ka të drejtë t'i kërkojë gjykatës të urdhërojë ndalimin e cenimit apo shpërblimin e dëmit të shkaktuar, si pasojë e cenimit të këtyre të drejtave.

21.2 Mbledhja e Asamblese se Pergjithshme do te jete e vlefshme vetem nese marrin pjese ortaket me te drejte vote qe perfaqesojne 2/3 e kapitalit te regjistruar te shoqerise.

21.3 Asambleja e Pergjithshme te gjitha vendimet i merr nepermjet votimit te shumices se cilesuar te ortakeve me te drejte vote qe perfaqesojne 2/3 e kapitalit te shoqerise.

NENI 22

Procesverbali i mbledhjes se asamblesë

22.1 Të gjitha vendimet e Asamblesë së Përgjithshme duhet të regjistrohen në procesverbal. Administratorët përgjigjen për ruajtjen e kopjeve të procesverbaleve të mbledhjeve të asamblesë së përgjithshme.

Procesverbali duhet të përmbajë datën e vendin e mbledhjes, rendin e ditës, emrin e kryetarit e të mbajtësit të procesverbalit, rezultatet e votimit.

Procesverbalit i bashkëlidhet edhe lista e pjesëmarrësve, si edhe akti i thirrjes së Asamblesë së Përgjithshme.

Procesverbali i mbledhjes nënshkruhet nga kryetari dhe nga mbajtësi i procesverbalit.

V. ADMINISTRIMI I SHOQËRISË

NENI 23

23.1 Asambleja e Përgjithshme emëron një ose më shumë persona fizikë si administratorë të shoqërisë. Afati i emërimit, nuk mund të jetë më i gjatë se 5 vjet, me të drejtë ripërtëritjeje. Emërimi i administratorëve prodhon efekte pas regjistrimit në Qendrën Kombëtare të Regjistrimit. Statuti mund të vendosë rregulla të posaçme për emërimin e administratorëve.

23.2 Mund të emerohen si administratore të shoqërisë edhe personat fizikë që nuk janë Ortakë.

23.3 Emerimi i Administratoreve behet nga Asambleja e Ortakeve me shumicen e cilesur te ortakeve , qe perfaqesojne 2/3 e kapitalit te shoqerise nga Asambleja e Ortakeve.

NENI 24

Të drejtat dhe detyrimet e administratorëve

24.1 Administratorët kanë të drejtë e detyrohen të:

1. kryejnë të gjitha veprimet e administrimit të veprimtarisë tregtare të shoqërisë, duke zbatuar politikat tregtare, të vendosura nga Asambleja e Përgjithshme;
2. përfaqësojnë shoqërinë tregtare;
3. kujdesen për mbajtjen e saktë e të rregullt të dokumenteve dhe të librave kontabël të shoqërisë;
4. përgatisin dhe nënshkruajnë bilancin vjetor, bilancin e konsoliduar dhe raportin e ecurisë së veprimtarisë dhe, së bashku me propozimet për shpërndarjen e fitimeve, i paraqesin këto dokumente përpara Asamblesë së Përgjithshme për miratim;
5. krijojnë një sistem paralajmërimi në kohën e duhur për rrethanat, që kërcënojnë mbarëvajtjen e veprimtarisë dhe ekzistencën e shoqërisë;
6. kryejnë regjistrimet dhe dërgojnë të dhënat e detyrueshme të shoqërisë, siç parashikohet në ligjin për Qendrën Kombëtare të Regjistrimit;
7. raportojnë përpara Asamblesë së Përgjithshme në lidhje me zbatimin e politikave tregtare dhe me realizimin e veprimeve të posaçme me rëndësi të veçantë për veprimtarinë e shoqërisë tregtare;
8. të thërrasin Asamblenë e Përgjithshme kur shoqëria brenda 2 viteve të para pas regjistrimit të saj, propozon të blejë nga një ortak pasuri, që kanë vlerë më të lartë se 5 për qind të asetëve të shoqërisë, që rezulton në pasqyrat e fundit financiare të certifikuara dhe kur sipas bilancit vjetor apo raporteve të ndërmjetme financiare, rezulton ose ekziston rreziku që aktivet e shoqërisë nuk i mbulojnë detyrimet e kërkueshme brenda 3 muajve në vazhdim.
9. Te beje pagesa pa miratimin e Asemblese se Pergjithshme vetem likujdimin e pagave, sigurimeve shoqerore, detyrimet tatimore, shpenzimeve te drejtperdrejta te aktivitetit te shoqerise , lidhur me aktivitete te parashikuara nga buxheti i miratuar.
10. te beje pagesat qe i detyrohet bashkepunetoreve te tjera pasi te kete marre miratimin e Asemblese se Ortakeve.

24.2 Pervec detyrave te treguara me lart per cdo veprim tjeter adminisitratori/et duhet te marre me pare miratimin e Asemblese se Pergjithshme.

24.3 Nëse Asambleja e Përgjithshme emëron më shumë se një administrator, ata e administrojnë bashkërisht shoqërinë. Statuti ose rregulloret e tjera, të miratuara nga Asambleja e Përgjithshme, mund të parashikojnë ndryshe.

24.4 Asambleja e Përgjithshme mund të shkarkojë administratorin në çdo kohë me votimin e shumices se thjeshte te ortakeve.

Statuti apo marrëveshje të tjera nuk mund të përjashtojnë apo kufizojnë këtë të drejtë. Paditë, që lidhen me shpërblimin e administratorit, në bazë të marrëdhënieve kontraktore me shoqërinë, rregullohen sipas dispozitave ligjore në fuqi.

NENI 25

Shpërblimi i administratorëve

25.1 Shpërblimet e administratorëve përcaktohen me vendim të Asamblesë së Përgjithshme.



Shpërblimi, duhet të jetë i përshtatshëm dhe në përputhje me detyrat e administratorëve dhe gjendjen financiare të shoqërisë.

25.2 Nëse shoqëria është në vështirësi financiare, Asambleja e Përgjithshme mund të vendosë reduktimin e shpërblimit të administratorëve në masën e përshtatshme.

Kriteret e shpërblimit, shpërblimi individual dhe efekti vjetor i shpërblimit të administratorëve në strukturën e kostove të shoqërisë tregtare publikohen së bashku me pasqyrat financiare vjetore.

25.3 Administratorë të Shoqërisë " M.C.A " SH.P.K, do të jenë:

Z. Redon Meksi i biri i Aleksandrit, i datëlindjes 27.2.1988 lindur dhe banues në Tiranë madhor me zotesi te plote juridike dhe per te vepruar, identifikuar përmes letërnjoftimit me nr pasaporte BD7329245.

Z. Gani Ismaili, i biri i Kadriut, i datëlindjes 12.9.1951, lindur dhe banues në Tiranë, madhor me zoëtsi të plotë juridike për të vepruar, identifikuar përmes letërnjoftimit me nr personal F10912082E.

NENI 26

Ekspertët Kontabël.

26.1 Shoqëria cakton ekspert kontabël për çdo vit financiar kur jemi përpara rasteve të përcaktuara në ligj. Emërimin e tyre e bën Mbledhja e Asamblesë së Përgjithshme.

Ekspertët kontabël mbajnë përgjegjësi për mbajtjen e rregullt të të gjithë dokumentacionit të Shoqërisë. Ata përgjigjen për dëmet që i vijnë Shoqërisë nga mbajtja e parregullt e llogarive ose verifikimi i tyre i gabuar.

Nuk mund të ngarkohen me detyrën e ekspertit, themeluesi, administratori, personat që janë gjini e krushqi me ata deri në shkallën e katërt.

VI. MARRDHËNIET E PUNËS.

NENI 27

27.1 Marrëdhëniet e punës në Shoqëri rregullohen sipas dispozitave të Aktit të Themelimit, Statutit dhe Legjislacionit Shqiptar të Punës.

Punësimi në Shoqëri realizohet me anë të kontrates individuale të punës midis Shoqërisë e të punësuarve. Marrëdhëniet midis Shoqërisë e sindikatës rregullohen nëpërmjet kontratës kolektive të punës.

NENI 28

28.1 Të punësuarit dhe punonjësit drejtues administrativ janë përgjegjës për dëmet që i shkaktojnë Shoqërisë për faj të tyre dhe përgjigjen para saj civilisht.



VII. PRISHJA E SHOQËRISË. LIKUJDIMI.

NENI 29

29.1 Kjo Shoqëri do të priset në rast se:

1. me vendim të Asamblesë së Përgjithshme;
 2. me hapjen e procedurave të falimentimit;
 3. nëse nuk ka kryer veprimtari tregtare për dy vjet dhe nuk është njoftuar pezullimi i veprimtarisë në përputhje me pikën 3 të nenit 43 të ligjit nr.9723, datë 3.5.2007 "Për regjistrimin e biznesit";
 4. me vendim të gjykatës;
 5. për arsye të tjera, të parashikuara në statut;
- Prishja e shoqërisë regjistrohet në Regjistrin Tregtar pranë Qendrës Kombëtare të Regjistrimit nga administratorët.

NENI 30

Largimi i ortakut nga shoqëria dhe likuidimi i kuotës

30.1 Ortaku mund të largohet nga shoqëria nëse ortakët e tjerë ose shoqëria kanë kryer veprime në dëm të tij, nëse është penguar të ushtrojë të drejtat e tij, nëse shoqëria i ka ngarkuar detyrime të paarsyeshme apo për shkaqe të tjera, që e bëjnë të pamundur vazhdimin e ortakërisë. Ortaku që kërkon largimin, duhet të njoftojë shoqërinë me shkrim, si dhe të parashtojë shkaqet e largimit.

Administratorët duhet të thërrasin mbledhjen e Asamblesë së Përgjithshme menjëherë pasi të kenë marrë dijeni për njoftimin e largimit, për të vendosur nëse ortakut do t'i likuidohet kuota, si pasojë e largimit për shkaqe të arsyeshme.

Ortaku ka të drejtë të ngrejë padi në gjykatë ndaj shoqërisë për likuidimin e kuotës, si pasojë e largimit për shkaqe të arsyeshme, nëse pas njoftimit të largimit Asambleja e Përgjithshme nuk mblidhet apo nuk i njeh si të arsyeshme shkaqet e largimit dhe likuidimin e kuotës.

Ortaku që kërkon largimin nga shoqëria, detyrohet ta dëmshpërblejë shoqërinë për dëmet e shkaktuara, nëse rezulton se largimi është kryer në bazë të shkaqeve të paarsyeshme.

Ortaku që largohet ka të drejtë të ngrejë padi ndaj shoqërisë dhe/ose ortakëve të tjerë që shkaktuan largimin e tij dhe të kërkojë ndaj tyre, në mënyrë solidare, shpërblimin e dëmit të pësuar.

30.2 E drejta e terheqjes i perket:

- ortakëve që nuk kanë aprovuar ndryshimin e objektit apo të llojit të shoqërisë, shkrirjes ose shkeputjes, transferimit të selisë jashtë shtetit, terheqjes së gjendjes së likuidimit, eliminimit të një ose disa kushteve të terheqjes të parashikuara nga ky statut, futjes ose heqjes së limiteve në qarkullimin e kuotave;
- ortakëve që nuk kanë lejuar kryerjen e disa veprimeve që nevojiten një ndryshim thelbësor të objektit të shoqërisë apo një ndryshim thelbësor të të drejtave të njohura ndaj ortakëve;
- në të gjitha rastet e parashikuara nga ligji apo nga ky statut.

30.3 Qellimi i ortakut që të terhiqet nga shoqëria duhet t'i komunikohet organit administrues nepermjet një letre rekomande me njoftim marrje.



NENI 31 Përrjashtimi i ortakut

31.1 Në bazë të një vendimi të zakonshëm, Asambleja e Përgjithshme mund t'i kërkojë gjykatës përrjashtimin e ortakut, nëse ai nuk ka shlyer kontributin e tij, sipas parashikimeve të statutit ose nëse ekziston një shkaqe të tjera të arsyeshme për këtë përrjashtim.

Konsiderohen shkaqe të arsyeshme për përrjashtimin e ortakut, por pa u kufizuar në to, rastet kur ortakut:

1. me dashje apo me pakujdesi të rëndë i shkakton dëme shoqërisë ose ortakëve të tjerë;
2. me dashje apo me pakujdesi të rëndë shkel statutin ose detyrimet e përcaktuara me ligj;
3. përfshihet në veprime, të cilat e bëjnë të pamundur vazhdimin e marrëdhënieve midis shoqërisë tregtare dhe ortakut;
4. me veprimet e tij dëmton ose pengon ndjeshëm veprimtarinë tregtare të shoqërisë.

31.2 Gjatë procedurës së përrjashtimit të ortakut, me kërkesë të paditësit, gjykata mund të marrë një masë për sigurimin e padisë, duke pezulluar të drejtën e votës së ortakut, që kërkohet të përrjashtohet, si dhe të drejtat e tjera, që rrjedhin nga zotërimi i kuotës së shoqërisë, kur ajo e vlerëson këtë masë si të nevojshme dhe të justifikuar. Shoqëria ka të drejtë t'i kërkojë ortakut të përrjashtuar shpërrblimin e dëmit të pësuar nga veprimet, që kanë sjellë përrjashtimin. Ortaku ka të drejtë t'i kërkojë shoqërisë shpërrblimin e dëmit të pësuar, nëse kërkesa për përrjashtim nuk është e bazuar. Ortaku nuk ka të drejtë t'i kërkojë shoqërisë likuidimin e kuotës, nëse ai përrjashtohet për shkaqe të arsyeshme, por, nëse shoqëria ngre ndaj tij padi për shpërrblim dëmi, ortakut ka të drejtë të kompensojë çdo shumë, që do të kishte të drejtë ta përfitonte në cilësinë e likuidimit të kuotës, me dëmin e kërkuar nga shoqëria.

NENI 32 Likuidimi i shoqërisë

32.1 Prishja e shoqërive tregtare ka si pasojë hapjen e procedurave të likuidimit në gjendjen e aftësisë paguese, me përrjashtim të rasteve kur është nisur një procedurë falimentimi. Likuidimi kryhet nga likuiduesit e emëruar nga Asambleja e Përgjithshme. Nëse Asambleja e Përgjithshme nuk merr një vendim për emërimin e likuiduesve, brenda 30 ditëve pas prishjes, çdo person i interesuar mund t'i drejtohet gjykatës, për të caktuar një likuidues.

32.2 Çdo person i interesuar, ka të drejtë t'i kërkojë gjykatës zëvendësimin e likuiduesit, sipas vendimit të ortakëve, nëse paraqet arsye të mjaftueshme për të dyshuar se likuidimi i rregullt i shoqërisë mund të cenohet nga likuiduesit e emëruar si më sipër. Kërkesa duhet të depozitohet në gjykatë brenda 30 ditëve nga data e caktimit të likuiduesit. Gjykata emëron likuiduesin, në rastet kur shoqëria tregtare priset me vendim gjykate. Likuiduesit shkarkohen dhe zëvendësohen me të njëjtat kushte, të parashikuara në dispozitat për emërimin e tyre.

32.3 Administratorët e shoqërisë i njoftojnë për regjistrim, Qendrës Kombëtare të Regjistrimit të dhënat e likuiduesve të parë dhe tagrat e tyre, për të përfaqësuar shoqërinë, së bashku me



dokumentet përkatëse. Likuiduesit depozitojnë nënshkrimin e tyre. Likuiduesit i njoftojnë, gjithashtu, Qendrën Kombëtare të Regjistrimit për regjistrim çdo ndryshim për identitetin dhe tagrat e tyre të përfaqësimit. Emërimi i likuiduesve nga gjykata regjistrohet *ex officio*, sipas nenit 45 të ligjit nr. 9723, datë 3.5.2007 "Për Qendrën Kombëtare të Regjistrimit". Me hapjen e procedurave të likuidimit, emri i regjistruar i shoqërisë me përgjegjësi të kufizuar ndiqet nga shënimi "në likuidim". Likuiduesit duhet të ftojnë kreditorët e shoqërisë për të depozituar pretendimet e tyre për prishjen e saj. Likuiduesi merr përsipër të drejtat dhe detyrimet e administratorëve nga data e emërimit të tij.

NENI 33

Të drejtat e detyrimet e likuiduesit

33.1 Detyra e likuiduesve është mbyllja e të gjitha veprimeve të shoqërisë, mbledhja e kredive të paarkëtuara dhe e kontributeve të pashlyera, shitja e pasurive të shoqërisë dhe shlyerja e kreditorëve duke respektuar radhën e referimit, sipas nenit 605 të Kodit Civil. Likuiduesi mund të kryejë edhe veprime të reja tregtare, për mbylljen e një veprimi të papërfunduar. Nëse, në bazë të padive të ngritura nga kreditorët, likuiduesit vërejnë se pasuria e shoqërisë tregtare, përfshirë kontributet e pashlyera, nuk është e mjaftueshme për pagesën e këtyre pretendimeve, likuiduesit detyrohen ta pezullojnë procedurën e likuidimit e t'i kërkojnë gjykatës përkatëse nisjen e procedurave të falimentimit.

NENI 34

Bilancet

34.1 Likuiduesi përgatit një bilanc të gjendjes së shoqërisë në çastin e hapjes së likuidimit dhe një bilanc përfundimtar në çastin e mbylljes së këtyre procedurave. Nëse procedura e likuidimit zgjat më shumë se një vit, likuiduesi përgatit, gjithashtu, pasqyrat financiare vjetore të shoqërisë. Bilancet miratohen nga Asambleja e Përgjithshme.

NENI 35

Shpërndarja e aktiveve

35.1 Pas shlyerjes së detyrimeve ndaj kreditorëve, likuiduesi u shpërndan ortakëve aktivet e mbetura, sipas të drejtave që ata kanë në ndarjen e fitimeve, me përjashtim të rastit kur statuti parashikon radhë preference.

Pasuritë, që i janë dhënë shoqërisë me qira apo në përdorim, me çfarëdo titulli u kthehen ortakëve.

Pas shpërndarjes së aktiveve të mbetura, likuiduesi e njofton Qendrën Kombëtare të Regjistrimit për përfundimin e likuidimit dhe kërkon çregjistrimin e shoqërisë.

NENI 36

Likuidimi i thjeshtëzuar

36.1 Shoqëria tregtare mund të likuidohet nëpërmjet një procedure të përshpejtuar, nëse kjo vendoset nga të gjithë ortakët dhe kur këta deklarojnë përpara gjykatës përkatëse se të gjitha detyrimet e shoqërisë ndaj kreditorëve janë shlyer e janë rregulluar të gjitha marrëdhëniet me punëmarrësit.

Administratorët, në përputhje me nenin 43 të ligjit nr.9723, datë 3.5.2007 "Për Qendrën Kombëtare të Regjistrimit", njoftojnë për regjistrim pranë Qendrës Kombëtare të Regjistrimit vendimin për likuidimin e shoqërisë, nëpërmjet procedurës së thjeshtëzuar.

Administratorët janë përgjegjës për dëmin e shkaktuar nga shkëlja e detyrave të tyre gjatë likuidimit të thjeshtëzuar. Përveç administratorëve, ortakët e shoqërisë përgjigjen në mënyrë solidare deri në shumat e marra.

VIII. DISPOZITA TË FUNDIT.

NENI 37

37.1 Ky Statut hyn në fuqi pas miratimit dhe regjistrimit në regjistrin tregtar pranë Qendrës Kombëtare të Regjistrimit.

NENI 38

38.1 Gjithçka nuk është parashikuar shprehimisht në këtë Statut do të disiplinohet nga legjislacioni tregtar dhe ligje të tjera të lidhura me të në fuqi në Republikën e Shqipërisë.

NENI 39

39.1 Ky Statut përpilohet në 3 (tre) kopje në gjuhën shqipe, dhe u nënshkrua pa vërejtje nga ortaku themelues, përpara noterit të vendit të themelimit.

ORTAKET E SHOQERISE

Z. Redon Meksi

Redon Meksi
Z. Meksi

Gerhard Ismaili

GERHARD ISMAILI
[Signature]

Tiranë, më 09.01.2024